

Bosna i Hercegovina
DRŽAVNA REGULATORNA KOMISIJA
ZA ELEKTRIČNU ENERGIJU

Broj: 06-16-4-42-8/23
Tuzla, 29. 11. 2023. godine

Na osnovu tačke V Odluke Državne regulatorne komisije za električnu energiju o pokretanju postupka nabavke usluga objave oglasa i obavještenja u dnevnim novinama čije je sjedište u Sarajevu broj: 06-16-4-42-1/23 od 4. 10. 2023. godine, a u skladu sa preporukom Komisije za nabavke, donosim

O D L U K U
o poništenju postupka nabavke
usluga objave oglasa i obavještenja u dnevnim novinama
čije je sjedište u Sarajevu

1. Poništava se postupak javne nabavke usluga objave oglasa i obavještenja u dnevnim novinama čije je sjedište u Sarajevu, pokrenut Odlukom broj: 06-16-4-42-1/23 od 4. 10. 2023. godine, iz razloga što je ponudena cijena dostavljene ponude znatno veća od osiguranih sredstava za predmetnu nabavku.
2. Ova odluka će se objaviti na internetskoj stranici Državne regulatorne komisije za električnu energiju.
3. Odluka stupa na snagu danom donošenja.

O b r a z l o ž e n j e

Postupak nabavke usluga objave oglasa i obavještenja u dnevnim novinama čije je sjedište u Sarajevu, pokrenut je Odlukom Državne regulatorne komisije za električnu energiju broj: 06-16-4-42-1/23 od 4. 10. 2023. godine. Javna nabavka predmetnih usluga provodila se kroz postupak konkurentskog zahtjeva, uz predviđeno zaključivanje okvirnog sporazuma s ponuđačem koji u proceduri e-aukcije ponudi najnižu cijenu prihvatljive ponude, na period od tri godine. Ugovorni organ je u predmetnom postupku odredio da vrijednost nabavke odnosno maksimalan iznos predviđen za okvirni sporazum iznosi do 16.000,00 KM bez PDV-a. U određivanju procijenjene vrijednosti okvirnog sporazuma, ugovorni organ je uzeo u obzir maksimalnu procijenjenu vrijednost, bez obračunatog poreza na dodatu vrijednost, svih predviđenih ugovora za cijeli period trajanja okvirnog sporazuma. Vrijednost nabavke je utvrđena nakon analize procijenjene tržišne vrijednosti predmetnih usluga koristeći zvanične cjenovnike pružalaca ovih vrsta usluga i analize vlastitih podataka o broju objavljenih oglasa i obavještenja na godišnjoj osnovi.

Tenderska dokumentacija i obavještenje o nabavci usluga objave oglasa i obavještenja u dnevnim novinama čije je sjedište u Sarajevu objavljeni su na portalu javnih nabavki 8. 11. 2023. godine pod brojem: 1056-7-2-52-3-29/23, te je 5 (pet) potencijalnih ponuđača preuzelo tendersku dokumentaciju. Na osnovu pokazanog interesa za zaključivanje okvirnog sporazuma sa Državnom regulatornom komisijom za električnu energiju do krajnjeg roka za prijem ponuda, utvrđenog tačkom 11. tenderske dokumentacije, svoju ponudu je dostavio ponuđač avaz-roto press“ d.o.o. Sarajevo sa ponudnom cijenom od 435,50 KM bez PDV-a.

Ocjenjujući da je u postupku nabavke usluga objave oglasa i obavještenja u dnevnim novinama čije je sjedište u Sarajevu dostavljena jedna ponuda, Komisija za nabavke je nakon pregleda i ocjene utvrdila da je dostavljena ponuda neprihvatljiva jer cijena iste prelazi planirana, odnosno osigurana novčana sredstva Ugovornog organa za predmetnu nabavku, odnosno prelazi maksimalnu procijenjenu vrijednost, bez obračunatog poreza na dodatu vrijednost, svih predviđenih ugovora za cijeli period trajanja okvirnog sporazuma.

Imajući u vidu prethodno navedeno, a uzimajući u obzir odredbu stava (2) tačka e) člana 69. Zakona o javnim nabavkama („Službeni glasnik BiH“, br. 39/14 i 59/22) kojom se Ugovornom organu nalaže obavezno poništenje postupka javne nabavke u slučaju da su cijene svih prihvatljivih ponuda znatno veće od osiguranih sredstava za predmetnu nabavku, odlučeno je kao u dispozitivu.

Pravna pouka:

Protiv ove odluke dozvoljeno je podnošenje žalbe Uredu za razmatranje žalbi Bosne i Hercegovine putem DERK-a, u pisanoj formi direktno ili preporučenom poštanskom pošiljkom u roku od 5 (pet) dana od dana prijema.

